

全唐詩

全

唐

詩

全唐詩目 第十二函

第三冊

貫休 十二卷

全唐詩

貫休

貫休字德隱俗姓姜氏蘭谿人七歲出家日讀經書于字過目不忘既精奧義詩亦奇險兼工書畫初爲吳越錢鏐所重後謁成汭荆南汭欲授書法休曰須登壇乃授汭怒遣放之黔天復中入益州王建禮遇之署號禪月大師或呼爲得得來和尚終於蜀年八十一初有西嶽集吳融爲序極稱之後弟子曇域更名寶月集其全集三十卷已亡胡震亨謂宋睦州刻本多載他人詩不足信其說亦不知何據胡存詩僅三卷今編十二卷

善哉行

傷古曲
無知音

有美一人兮婉如青揚識曲別音兮令姿煌煌繡袂捧
琴兮登君子堂如彼萱草兮使我憂忘欲贈之以紫玉
尺白銀鐙久不見之兮湘水茫茫

讀離騷經

湘江濱湘江濱蘭紅芷白波如銀終須一去呼湘君問
湘神雲中君不知何以交靈均我恐湘江之魚兮死後
盡爲人曾食靈均之肉兮箇箇爲忠臣又想靈均之骨
終不曲千年波底色如玉誰能入水少取得香沐函
題貢上國貢上國即全勝和璞懸瓊垂棘結綠

陽春曲

江東廣
明初作

全書
莫學阮嗣宗不言是非非至公爲手須似朱雲

折檻英風至今在男兒結髮事君親須數前賢多慷慨
歷數雍熙房與杜魏公姚公宋開府盡向天上仙宮閑
處坐何不却辭上帝下下土忍見蒼生苦苦苦

白雪曲

列鼎佩金章淚眼看風枝却思食藜藿身作屠沽兒負
米無遠近所希升斗歸爲人無貴賤莫學雞狗肥斯言
如不忘別更無光輝斯言如或忘即安用人爲

上留田

父不父兄不兄上留田蝥賊生徒陟岡淚呼嘯我欲使
諸凡鳥雀盡變爲鵲鴿我欲使諸凡草木盡變爲田荆
鄰人歌鄰人歌古風清風生

胡無人

一本有行字

霍嫖姚趙充國天子將之平朔漠肉胡之肉燼胡帳幄
千里萬里唯留胡之空殼邊風蕭蕭榆葉初落殺氣晝
赤枯骨夜哭將軍旣立殊勲遂有胡無人曲我聞之天
子富有四海德被無垠但今一物得所八表來賓亦何
必令彼胡無人

苦寒行

北風北風職何嚴毒摧壯士心縮金烏足凍雲囂囂礙
雪一片下不得聲遠枯桑根在沙塞黃河徹底頑直到
海一氣搏束萬物無態唯有吾庭前杉松樹枝枝枝健
在

萬里

一本有曲字

兔不遲烏更急但恐穆王八駿著鞭不及所以萬里墳
出戢戢氣凌雲天龍騰鳳集盡爲風消土喫狐掇蟻拾
黃金不啼玉不泣白楊騷屑亂風愁月折碑石人葬穢
榛沒牛羊窸窣時見牧童兒弄枯骨

臨高臺

涼風吹遠念使我升高臺寧知數片雲不是舊山來故
人天一涯久客殊未回鴈來不得書空寄聲哀哀

杞梁妻

秦之無道兮四海枯築長城兮遮北胡築人築土一萬
里杞梁貞婦啼鳴鳴上無父兮中無夫下無子兮孤復

孤一號城崩塞色苦再號杞梁骨出土疲魂飢魄相逐
歸陌上少年莫相非

古離別

離恨如旨酒古今飲皆醉只恐長江水盡是兒女淚伊
余非此輩送人空把臂他日再相逢清風動天地

戰城南二首

萬里桑乾傍茫茫古蕃壤將軍貌憔悴撫劍悲年長胡
兵尚陵逼久住亦非強邯鄲少年輩箇箇有伎倆拖槍
半夜去雪片太如掌

磧中有陰兵戰馬時驚蹶輕猛李陵心摧殘蘇武節黃
金鎖子甲風吹色如鐵十載不封侯茫茫向誰說

少年行

紀事本末行一本後二首作公子行
其厚一日召令誦詩時貴戚皆坐休欲誦之乃稱公子行

建書之貴
倖皆心之

錦衣鮮華手擎鵲閑行氣貌多輕忽稼穡艱難總不知

五帝三皇

一作王

是何物

自拳五色裘迸入他人宅却捉蒼頭奴玉鞭打一百
面白如削玉猖狂曲江曲馬上黃金鞍適來新賭得

夢遊仙四首

夢到海中山入箇白銀宅逢見一道士稱是李八伯
三四仙女兒身著瑟瑟衣手把明月珠打落金色梨
車渠地無塵行至瑤池濱森森椿樹下白龍來嗅人
宮殿崢嶸籠紫氣金渠玉砂五色水守閤仙婢相倚睡

偷摘蟠桃幾倒地

輕薄篇二首

繡林錦野春態相壓誰家少年馬蹄蹋蹋鬪雞走狗夜
不歸一擲賭却如花妾誰云一作惟言不顛不狂其名不彰悲
夫

花落蕭蕭蟲一作蛩鳴唧唧不覺朱薦臉紅霜劫鬢漆世途
多事泣向秋日方今少壯不努力老大徒傷悲如何

長安道

憧憧合合八表一轍黃塵霧合車馬火熱名湯風雨利
輾霜雪千車萬馱半宿關月上有堯禹下有夔高紫氣
銀輪兮一本無兮字常覆金闕仙掌捧日兮一本無兮字濁河澄澈愚

將草木兮有言

一本作有言

與華封人兮不別

一本作不別

洛陽塵

昔時昔時洛城人今作茫茫洛城塵我聞富有石季倫
樓臺五色千星辰樂如天樂日夜聞錦姝繡妾何紛紛
真珠簾中姑射神人文金線玉香成暮雲孫秀若不殺
晉室應更貧伊水削行路塚石花磷磷蒼茫金谷園牛
羊斲荆榛飛鳥好羽毛疑是綠珠身

富貴曲二首

有金張族驕奢相續瓊樹玉堂雕牆繡轂紈綺雜鍾
鼓合合美人如白牡丹花半日只舞得一曲樂不樂足
不足爭教他愛山香水綠

如神若仙似蘭同雪樂戒于極胡不知輟只欲更綴上
落花恨不能把住明月太山肉盡東海酒竭佳人醉唱
敲玉釵折寧知耘田車水翁日日炙背欲裂

野田黃雀行

高樹風多吹爾巢落深蒿葉暖宜爾依泊莫近鴉類蛛
網亦惡飲野田之清水食野田之黃粟深花中睡埽土
裏浴如此即全勝啄太倉之穀而更穿人之屋

古意九首

一雨火雲盡閉門心冥冥蘭花與芙蓉滿院同芳馨佳
人天一涯好鳥何嚶嚶嚶嚶作我有雙白璧不羨于虞卿我
有徑寸珠別是天地精玩之室生白瀟灑身安輕只應

天上人見我雙眼明

陽鳥爍萬物草木懷春恩茫茫塵土飛培塿名利根我
本是蓑笠幼知天子尊學爲毛氏詩亦多直致言不慕
需臚一作類附勢同崩奔唯尋桃李踐去去長者門

美人如遊龍被服金鴛鴦手把古刀尺在彼白玉堂文
章深掣曳珂珮鳴丁當好風吹桃花片片落銀床何妨
學一作羽翰遠逐朱鳥翔

乾坤有清氣散入詩人脾聖賢遺清風不在惡木枝千
人萬人中一人兩人知憶在東溪日花開葉落時幾一作
擬以黃金鑄作鍾子期

莫輕白雲白不與風雨會莫見守羊兒或是初平輩人

生非日月光輝豈常在一榮與一辱古今

一作今古

常相對君

一本無君字

不見于公門子孫好冠蓋

古交如真金百煉色不回今交如暴流倏忽生塵埃我
願君子氣散爲青松栽我恐荊棘花只爲小人開傷心
復傷心吟上高高臺

常思謝康樂文章有神力是何清風清凜然似相識一
種爲頑嚚得作翻經石一種爲枯槁得作登山屐永嘉
爲郡後山水添鮮碧何當學羽翰一去觀遺跡

常思李太白仙筆驅造化玄宗致之七寶床虎殿龍樓
無不可一朝力士脫靴後玉上青蠅生一箇紫皇殿前
五色麟忽然掣斷黃金鎖五湖大浪如銀山滿船載酒

搥鼓過賀老成異物顛狂誰敢和寧知江邊墳不是猶
醉臥

憶在山中時丹桂花葳蕤紅泉浸瑤草白日一作日夕生華滋

箬屋開地鑪翠牆挂藤衣看經竹窗邊白猿一作四三兩枝

東峰有老人眼碧頭骨奇種薤煮白石旨趣如嬰兒月

上來打門月落方始歸授我微妙訣恬澹一作然無所爲別

來六七年只恐白日飛

酷吏詞

唐末寇亂休遊地者宮荆帥高氏優待之館于龍興寺會有詞宿話時政不治乃作酷吏詞以刺之

霰雨灑灑風吼如斲有叟有叟暮投我宿吁歎自語云

太守酷如何如何掠脂幹肉吳姬唱一曲等閑破紅束

韓娥唱一曲錦段鮮照屋寧知一曲兩曲謠曾使千人